

Na osnovu člana 4. stav (1) Odluke Vlade Zeničko-dobojskog kantona broj 02-14-29462/09 i broj 02-14-28971/10 o utvrđivanju uslova i postupka za izradu i donošenje Programa utroška sredstva u razdjelu 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614300, pozicija „Transfer za sport“ Ministarstvo za obrazovanje, nauku, kulturu i sport Zeničko-dobojskog kantona raspisuje:

JAVNI POZIV

Za dostavljanje prijava za dodjelu sredstava za sport iz Budžeta Zeničko-dobojskog kantona za 2014. godinu

I.

Raspisuje se Javni poziv za dostavljanje prijava za dodjelu sredstava iz Budžeta Zeničko-dobojskog kantona za 2014. godinu sa pozicije „Transfer za sport“ a u skladu sa Odlukom Vlade Zeničko-dobojskog kantona broj 02-14-29462/09 i broj 02-14-28971/10 o utvrđivanju uslova i postupka za izradu i donošenje Programa utroška sredstva u razdjelu 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614300, pozicija „Transfer za sport“.

II

Raspodjela sredstava za sufinansiranje aktivnosti u oblasti sporta vršit će se prema Programu utroška sredstava sa pozicije „Transfer za sport“ koji će donijeti Vlada kantona nakon usvajanja Budžeta Zeničko-dobojskog kantona za 2014. godinu i Zakona o izvršenju Budžeta Zeničko-dobojskog kantona za 2014. godinu.

III.

(1) Nosioци sportskih aktivnosti na Zeničko-dobojskom kantonu mogu podnijeti prijavu ako ispunjavaju slijedeće uslove:

- a) da imaju sjedište na području Zeničko-dobojskog kantona,
- b) da su registrovani u skladu sa zakonom prije **25.11.2012.** godine.

(2) Nosioци sportskih aktivnosti u smislu stava 1. ovog člana su

- a) sportski klubovi,
- b) sportska društva,
- c) sportski savezi,
- d) sportski klubovi i sportska udruženja lica sa invaliditetima,
- e) druga pravna lica koja obavljaju djelatnost iz područja tjelesnog odgoja i sporta,
- f) sportisti pojedinci

IV.

Prijavu za dodjelu sredstava mogu podnijeti nosioци sportskih aktivnosti iz člana III. ovog poziva čije se aktivnosti odnosno programi odnose na:

- a) učešće na prvenstvenim takmičenjima po propozicijama i sistemima koje utvrđuju i sprovode odgovarajući sportski savezi na području **kantona (kantonalna takmičenja)**, na prostoru **Federacije BiH (federalna takmičenja)** ili na prostoru **BiH (državna takmičenja)** kao i na području **više država (regionalna odnosno međunarodna takmičenja)**,
- b) sportske aktivnosti i takmičenja za lica sa invaliditetom,

- c) vannastavne sportske aktivnosti i takmičenja učenika osnovnih i srednjih škola –MOI (male olimpijske igre), vannastavne sportske aktivnosti i takmičenja studenata,
- d) pripreme i takmičenja sportista koji su aktualni članovi reprezentativnih selekcija Bosne i Hercegovine.

V.

Svi podnosioci prijave za dodjelu sredstava u vezi sa aktivnostima iz člana IV. tačke a), b), c) obavezani su dostaviti slijedeću dokumentaciju:

1. Ispravno popunjen **prijavni obrazac** (sportski klubovi popunjavaju prijavni obrazac br. 1; Sportski savezi/asocijacije, sportska društva i strukovna udruženja popunjavaju obrazac br. 2). Prijavni obrasci se mogu preuzeti na web stranici Zeničko-dobojskog kantona: www.zdk.ba. Popunjeni prijavni obrasci br. 1 za sportske klubove moraju biti ovjereni i potpisani od strane odgovarajućeg granskog sportskog saveza; Obrazac br. 1 za klubove koji ne ovjeri odgovarajući granski sportski savez smatraće se nevažećim.
2. Izvod/Izvadak iz Registra udruženja koji nije stariji od mjesec dana (dokument se dobije u Ministarstvu za pravosuđe i upravu Zeničko-dobojskog kantona)
3. Uvjerenje o poreznoj registraciji (ID broj)
4. Potvrdu poslovne banke o vlasništvu i broju transakcijskog računa i da isti nije blokiran (potvrda ne smije biti starija od mjesec dana)
5. Popunjen obrazac br.3 -Izveštaj o namjenskom utrošku sredstava dobivenih iz Budžeta Kantona u 2013. godini (obrazac se može preuzeti na web stranici Kantona : www.zdk.ba)

Dostavljanje navedenih dokumenata obavezno je za svakog podnosioca prijave bez obzira da li je prethodnih godina dostavljao traženu dokumentaciju.

VI.

Prijave za dodjelu finansijske pomoći pojedincima sportistima iz člana IV., tačka d) ovog poziva podnose se isključivo na prijavnom **obrascu br. 4** za dodjelu finansijske pomoći sportistima pojedincima (može se preuzeti na web stranici Kantona: www.zdk.ba).

Prijave sportista u bilo kojoj drugoj formi osim u formi navedenog obrasca kao i prijave koje nisu ovjerene od strane selektora ili trenera odgovarajuće reprezentativne selekcije BiH neće se uzimati u razmatranje.

Ukoliko se podnosi prijava za sportistu koji je bio uvršten u Program utroška sredstva za sport za 2013. godinu uz prijavni obrazac treba dostaviti i popunjen obrazac izvještaja o namjenskom utrošku sredstava dobivenih iz Budžeta Kantona u 2013. godini (obrazac br. 3 koji se se može preuzeti na web stranici Kantona : www.zdk.ba)

VII.

Prijave klubova, drugih organizacija i pojedinaca koji su bili uvršteni u Program utroška sredstava za sport za 2013. godinu a koje ne budu sadržavale popunjen obrazac izvještaja o namjenskom utrošku primljenih sredstava iz Budžeta Zeničko-dobojskog kantona u 2013. godini neće se uzeti u razmatranje za dodjelu sredstava za 2014. godinu.

Sportski klubovi, organizacije i pojedinci koji do predaje prijave na Javni poziv nisu dobili planirana sredstva iz Budžeta Kantona za 2013. godinu također trebaju dostaviti pupunjen obrazac izvještaja o namjenskom utrošku sredstva s time da će u odgovarajuće rubrike napisati da nisu dobili planirana sredstva.

Korisnici sredstva dužni su u svojim arhivama posjedovati i čuvati finansijske dokumente kojima se dokazuje utrošak sredstava te su obavezni, na zahtjev Ministarstva i drugih nadležnih organa, dostaviti iste na uvid.

VIII.

Za sufinansiranje posebnih sportskih priredbi i manifestacija koje ne spadaju u sezonska takmičenja (kvalifikacijski turniri, tradicionalni turniri, memorijalni turniri, sportski mitinzi, kup takmičenja, sportsko-rekreativne akcije itd) klubovi i druge sportske organizacije, neposredno prije početka održavanja priredbe odnosno manifestacije, mogu podnositi posebne molbe za odobravanje sredstva sa pozicije u Budžetu „Transfer za sport“ iz dijela sredstva koji će se u Programu utroška voditi kao interventna odnosno rezervna sredstva. O odobravanju sredstava po ovom osnovu Vlada kantona će na prijedlog Ministarstva donositi posebne zaključke.

IX.

Prijave na Javni poziv sa obaveznom dokumentacijom navedenom u članu V. (za klubove i druge sportske organizacije) ili u članu VI. (za pojedince) dostaviti u zatvorenoj koverti sa naznakom „za Javni poziv za dostavljanje prijava za dodjelu sredstava za sport iz Budžeta Zeničko-dobojskog kantona za 2014. godinu” i to najkasnije do **23.12.2013.** godine, neposredno na protokol Zeničko-dobojskog kantona ili poslati putem pošte na adresu:

Ministarstvo za obrazovanje, nauku, kulturu i sport; Zeničko-dobojski kanton, Kučukovići 2, 72000 Zenica

Nepotpune, neovjerene i zakašnjele prijave neće se uzeti u razmatranje.

**MINISTARSTVO ZA OBRAZOVANJE, NAUKU, KULTURU I SPORT
ZENIČKO-DOBOJSKOG KANTONA**